

古史紀年卷三

閩中林春溥鑑塘纂

帝禹夏后氏

路史發揮引紀年云黃帝至禹為世三十世與今本不合

書經

史記曰帝舜薦禹於天為嗣十七年而帝舜崩三年喪

畢吳越春秋曰禹服三年形體枯槁面目黎黑讓位商均退處陽山之南陰河之北禹辭辟舜

之子商均於陽城喪畢都於陽城天下諸侯皆去商

均而朝禹禹於是遂即天子位南面朝天下國號曰夏

后姓姁氏堯子丹朱舜子商均皆有疆土以奉先祀

周曰以唐封堯之子以虞封舜之子括地志曰定州唐縣堯後所封宋州虞城縣舜後所封也服其服

禮樂如之以客禮見天子天子弗臣示不敢專也大戴禮曰禹卒受命乃遷

邑姚姓於陳

元年壬子

舜崩於戊申至是四年路史註引刀劍錄云高密在位十年以庚戌八月鑄一劍藏之秦望山

古史紀年卷三

腹上面刻二十八宿背記山水日月在此前二年前也

帝即位居冀

世紀曰夏鯀封崇伯故春秋傳曰謂之有崇伯鯀國在

秦晉之間左氏傳曰趙穿侵崇是也禹受封為夏伯在

禹貢豫州外方南角亢氐之分壽星之次於秦漢屬潁

川本韓地今河南陽翟是也受禪都平陽或在安邑或

在晉陽於漢平陽安邑皆屬河東晉陽屬太原在冀州

太行恆山之西太原太嶽之野參伐之分實沈之次於

周為晉今司隸并州之域也世本又言夏后居陽城本

在大梁之南於戰國大梁魏都今陳留浚儀是也案經

傳曰夏與堯舜同在河北冀州之域不在河南也故五

子歌曰惟彼陶唐有此冀方今失厥道亂其紀綱乃底

滅亡言自禹至太康與唐虞不易都域也然則居陽城

者自謂禹避商均時非都也○淮南子曰夏后氏其社

用松祀后稷稼穡故有稷祠祀戶葬牆置翼其樂夏

籥九成六佾六列六英呂氏春秋曰禹立勤勞天下於

其其服尚青墨子曰夏禹卑小宮室損薄飲食土階三

於完等衣裳細布當此之時蔽無所用而務在

頒夏時于邦國

鴻範五行傳曰見尚書東方之極自碣石東至日出博

木之野帝太皞神句芒司之自冬至數四十六日迎

春于東堂距邦八里堂高八尺堂階八等青稅八乘旂

旒尚青田車載矛號曰助天生倡之以角舞之以羽此

迎春之樂也大戴誥志篇曰虞夏之歷正建于孟春於

時冰泮發蟄百草權輿瑞雉無釋物乃歲

俱生于東以順四時卒于冬方於時雞三號卒明載於

青色撫十二月節卒于丑日月成歲歷再閏以順天道

此謂虞孟春之月御青陽左个禱用牡索祀于良隅貌

必恭厥休時雨朔令曰挺羣禁開闔通窮室達障塞

待優其禁毋伐林木夏小正曰正月啟蟄雁北鄉雉震

始用暢圃有見非時有俊風寒日滌凍塗田鼠出農祭未

均田獮獸魚鷹則為鳩農及雪澤初服於公田采芸鞠

則見初昏參中斗柄縣在下柳仲春之月御青陽正室

梯梅杏地桃則華緹縞雞禱粥仲春之月御青陽正室

牲先脾設主于戶索祀于震正朔令曰棄怒惡解役臯

免優患休罰刑閉關梁其禁田獵不宿飲食不享出入

-8 212 32 943" data-label="Text">

不節奪民農時及有姦謀小正曰二月往稷黍禱初後

萬用入學祭鮪榮莖采藝昆小蟲抵蟻來降季春之月

燕乃脫剝鱗有鳴倉庚榮芸時有見穉始收御青陽右个薦用鮪索祀于巽隅朔令曰宣庫財和外

怨撫四方行柔惠止剛強九門磔禳出疫于郊以禳春

祭

祭

祭

祭

祭

祭

祭

祭

祭

祭

祭

祭

祭

祭

祭

-8 212 32 943" data-label="Text">

祭

氣小正曰三月參則伏攝桑萎楊柳羊穀則鳴頌冰采
駕識妾子始蠶執養宮事祈麥實越有小旱田鼠化爲
芭鳴鳩南方之極自北戶南至炎風之野帝炎帝神祝

融司之自春分數四十六日迎夏于南堂距邦七里堂

階七等赤稅七乘旂旒尚赤田車載弓號曰助天養倡

之以徵舞之以鼓靴此迎夏之樂也孟夏之月御明堂

左个嘗麥用鏡索祀于巽隅視必明厥休時燠朔令曰

爵有德賞有功惠賢良舉力農其禁毋墮隄防小正曰四月昴

則見初昏南門正鳴札圍有見杏鳴蟬卽蠍字仲夏之

王負秀取茶秀幽卽秀蔓越有大旱執陟及駒月御明堂正室牲先肺設主于竈索祀于离正朔令曰

振貧窮惠孤寡慮囚疾出大祿行大賞其禁棄法律逐

功臣殺太子以妾爲妻乃令民雩小正曰五月參則見

有養日乃瓜良蠲鳴匣之興五日翕望乃伏啟灌藍麥

鳩爲鷹庚蠲鳴初昏大火中種黍菽糜藜梅蓄蘭菽糜

頌馬將開諸則季夏之月御明堂右个牲先心設主于中霤索

祀于坤隅思必睿厥休時風朔令曰起毀宗立無後封

廢國立賢輔卹喪疾小正曰六月初昏斗柄中央之極

自崑崙中至大室之野帝黃帝神后土司之土王之日

禱用牲迎中氣于中室樂用黃鐘之宮爲民祈福命世

婦治服章令民其禁治宮室飾臺榭內淫亂犯親戚

侮父兄西方之極自流沙西至三危之野帝少皞神尊

收司之自夏至日數四十六日迎秋于西堂距邦九里

堂高九尺堂階九等白稅九乘旂旒尚白田車載兵號

曰助天收唱之以商舞之以干戚此迎秋之樂也孟秋

之月御總章左个嘗穀用犬索祀于坤隅言必從厥休

時鳴朔令曰審用法備盜賊禁菑衰飾羣牧謹貯聚其

禁毋弛戒備

小正曰七月秀萑葺狍子墜肆滄涼生萃爽死并秀漢案戶寒蟬鳴初昏織女正東

斗柄縣在下則旦仲秋之月御總章正室牲先肝設主

于門索祀于兌正朔令曰謹功築遏溝瀆修困倉決刑

獄趣收斂其禁好攻戰輕百姓飾城郭侵邊竟乃令民

畋釀庶眊畢入于室曰時殺將至毋罹其菑小正曰八月剝瓜元

校剝菓栗零丹鳥羞白鳥辰則季秋之月御總章右个

薦用田禽索祀于乾隅朔令曰除道路守門閭陳兵甲

戒百官誅不法除道成梁以利農夫小正曰九月丙火遷鴻雁主夫出火

陟元鳥螫能罷一作熊羆貉豸鼯鼯則穴榮北方之極

鞞樹麥王始裘辰繫于日雀入于海為蛤

自丁令北至積雪之野帝顓頊神元冥司之自秋分數

四十六日迎冬于北堂距邦六里堂高六尺堂階六等

黑稅六窳旗旄尙黑田車載甲鐵號曰助天誅唱之以

羽舞之以干戈此迎冬之樂也孟冬之月御元堂左个

祈年用牲索祀于乾隅聽必聰厥休時寒朔令曰申羣

禁修障塞畢積聚繫牛馬收澤賦其禁毋作淫巧小正

月豺祭獸初昏南門見黑鳥浴時有養夜元雉入于淮為蜃織女正北鄉則旦仲冬之月御元

堂正室牲先腎設主于井索祀于坎正朔令曰接外徒

止夜禁誅詐偽省醞釀謹閉關其禁簡宗廟不禱祠廢

祭祀逆天時乃令民罷土功小正曰十有一月王狩陳筋革嗇人不從隕麋角

季冬之月御元堂右个薦用魚索祀于艮隅朔令曰省

牲牲修農器收秸薪築圉謹蓋藏乃大儺以禳疾命

國為酒以合三族君子說小人樂小正曰十有二月鳴弋元駒賁納卵葭虞

人入梁周語單子曰夫辰角見而雨畢天根見而水涸

隕麋角本見而草木節解駟見而隕霜火見而清風戒寒故先

王之教曰雨畢而除道水涸而成梁草木節解而備藏
隕霜而冬裘具清風至而修城郭宮室故夏令曰九月
除道十月成梁其時傲曰收而場功待而畚揭營室之
中土功其始火之初見期于司里此先王之所以不用
財賄而廣施德於天下者也

二年咎陶薨

史記曰帝禹立而舉皋陶薦之且授政焉謂子日禹之治天下也得

皋陶杜子業既子施子黯季子甯然子湛輕子玉得七

大夫以佐其身以治天下而天下治戰國策顏觸曰禹

有五丞荀子曰禹得益而皋陶卒辰日死不可効罪人

皋陶橫革直成爲輔水經泚水注潁水又西北逕六

罪封皋陶之後於英六安縣故城西縣故咎陶國也夏

禹封其少子奉其祀今縣都城中有大冢民或在許左

傳曰公琴者即皋陶冢也楚人謂冢爲琴矣或在許左

曰許大岳之後也說文曰昔太嶽爲禹心呂之臣故封大呂而後舉益任之政墨子

古史紀年卷三

五年巡狩

舉益於陰方之中狩子曰禹讓天下於奇子奇子曰君

佐舜勞矣故舜以勞報子我生而逸不能爲君之勞矣

吳越春秋曰三載考功五年政定周行天下紀年原註

南巡狩濟江中流有二黃龍負舟舟人皆懼禹笑曰吾

受命於天屈力以養人生性也死命也奚憂龍哉龍於

是曳尾而逝亦見呂氏春秋淮南子文犬同小荀子曰

禹見耕者耦立而式過十室之邑必下說苑曰禹出見

罪人下車問而泣之左右曰夫罪人不順道故使然焉

君王何爲痛之至於此也禹曰堯舜之人皆以堯舜之

-5 205 35 945" data-label="Text">

心爲心今寡人爲君也百姓各自以其心爲心是以痛

之也吳越春秋以此爲南到計於蒼梧時事書大傳曰

引作夏后氏不殺不莊子曰堯治天下伯成子高立爲

刑死罪罰三千鎰

諸侯竟授舜舜授禹伯成子高辭爲諸侯而耕禹往見之則耕在野禹趨就下風而問焉子高曰昔堯治天下不賞而民勸不罰而民畏今子賞罰而民且不仁德自此衰刑自此立後世之亂自此始矣但乎耕而不顧

會諸侯于塗山

博物志曰處士東里隗責禹亂天下事禹退作三城強者攻弱者守敵者戰城郭蓋禹始也

左傳曰禹合諸侯于塗山執玉帛者萬國
淮南子曰昔三仞之城諸侯背之海外有狡心禹知天下之叛也乃壞城平池散財物焚甲兵施之以德海外賓服四夷納職合諸侯於塗山執玉帛者萬國郡國志曰塗山禹會萬國之所有石船長一丈云禹所乘者地理通釋曰塗山在壽春東北濠州鍾離縣西九十五里新書曰大禹之治天下也諸侯萬人而禹一皆知其體諸侯會則問於諸侯曰諸侯以寡人驕乎朔日士朝則問於士曰

諸大夫以寡人爲汰乎其聞寡人之驕之汰邪而不以語寡人者此教寡人之殘道也滅天下之教也故寡人之所怨於人者莫大於此也
鬻子曰禹之治天下也以置鞀以得四海之士爲銘於奠虛曰教寡人以道者擊鼓教寡人以義者擊鐘教寡人以事者振鐸語寡人以憂者擊磬語寡人以獄訟者揮鞀此之謂五聲是以禹嘗據一饋而七十起日中而不暇飽食曰吾恐四海之士留於道路是以四海之士皆至是以禹當朝廷閒也
可以羅爵管子曰禹立諫鼓於朝而備訊喚呂氏春秋曰禹一沐而三捉髮一食而三起以禮有道之士

八年春會諸侯于會稽

越絕書曰禹始也憂民救水到大越上茅山
裴駟引大

會計爵有德封有功更名茅山曰會稽及其王也巡狩

大越見耆老納詩書審銓衡平斗斛
史正義曰孔文詳云宋未會稽修禹

廟於廟庭山土中得五等圭璧百餘枚形與周禮同皆短小此卽禹會諸侯於會稽執以禮山神而理之其璧

今猶有
殺防風氏

在也

吳越春秋曰歸還大越登茅山以朝四方羣臣一示中國諸侯防風氏後至斬以示眾示天下悉屬禹也國語曰吳伐越墮會稽獲骨節專車吳子使問之仲尼客執骨而問曰敢問骨孰為大仲尼曰昔禹致羣神於會稽之山防風氏後至禹戮之其骨節專車此為大矣客曰防風氏何守也仲尼曰汪芒氏之君也守封隅之山者也為漆姓在虞夏商為汪芒氏於周為長狄今為大人

說文曰封隅山在吳楚間汪芒之國歷代故以為防風也吳興記曰吳興西有風諸山一曰風山有風公廟古防風國也河圖玉板曰禹平天下會諸侯會稽之野防風氏後到殺之夏德之盛二龍降庭禹使范成光御之行域外既周而還至南海經防風防風之二臣以塗山之戮見禹使怒而射之迅風雷雨龍昇去二臣恐以

古史紀年卷三

七

夏六月雨金于夏邑

述異記曰夏禹時天雨金三日古詩云安得天雨金使金賤如土是也天鏡曰天雨金為兵喪又曰大禹時天雨稻古詩

云安得天雨稻飼我天下民

秋八月帝陟于會稽

原註禹立四十五年案帝舜十四年命禹代虞事至舜五十載陟凡三十

七年除三年之喪禹方即位八年而陟凡四十五年

史記曰十年

案史記禹十年崩較紀年多二年刀劍錄通志亦作十年始連居喪之年計之二耳又

世紀曰禹年七十四舜始薦之於天薦後十二年始使禹攝行天子事五年舜崩禹除喪明年始即真年百歲崩於會稽是亦帝禹東巡狩至於會稽而崩言禹會諸

不過八年也

帝禹東巡狩至於會稽而崩言禹會諸

侯江南計功而崩因葬焉命曰會稽會稽者會計也越絕書曰巡狩大越因病亡死葬會稽葦榔桐棺穿廣七尺上無漏泄下無卮水壇高三尺土階三等延袤一畝墨子曰禹東教乎九夷道高葬會稽之山衣衾三領桐棺三寸葛以紘之絞之不合道之不培土地之深下毋及泉上毋通臭既葬收餘壤其上壟若參耕之畝地理志曰山上有禹井禹祠相傳以為下有三里廟在縣東南十里以天下授益紀年註曰禹薦益三年之喪畢益讓帝

禹之子啟而辟居箕山之陽禹子啟賢天下屬意焉及

禹崩雖授益益之佐禹曰淺天下未洽故諸侯皆去益

而朝啟曰吾君帝禹之子也紀年註曰三年喪畢天下歸啟於是啟遂

即天子位是謂夏后帝啟戰國策或曰禹授益而以啟為

天下傳之益也啟與支黨攻益而奪之天下此策士之妄

帝啟路史曰帝啟曰會見紀年今本無世紀曰一各建一名余

史記曰夏后帝啟禹之子其母塗山氏女也世本曰禹娶塗山氏

古史紀年卷三 八

女名女媧帝繫作女橋氏人表作女媧列女傳曰塗山氏長女禹娶以為

妃吳越春秋曰禹三十未娶行到塗山恐時之暮失其

曰度制乃辭曰吾娶也必有應矣乃有白狐九尾造於

禹禹曰白者吾之服也其九尾者來賓為王成家成室

曰綏綏白狐九尾羸羸我嘉夷者來賓為王成家成室

我造彼昌天人之際於茲則行明矣哉禹因娶塗山謂

之女媧楚詞註曰禹引治水道娶塗山氏之女而通夫

婦之道於台桑之地禹治水道娶塗山氏之女而通夫

辛酉日娶甲子日去而有啟也又大荒北經曰禹生均

國均國生役采役采生修鞮修鞮殺既生啟辛壬癸甲

綽人帝念之潛為之國是此毛民

啟呱呱泣禹去而治水三過其家不入其門呂氏春秋

見塗山之女禹未之遇而巡省南土塗山氏之女乃令

其妾待禹於塗山之陽女乃作歌歌曰候人兮猗實始

為南音周公及召公取塗山獨明教訓及啟長化其德

風焉以為周南召南而從其教卒致令名君子謂塗山疆於教誨

元年癸亥禹崩於己未至是四年帝即位于夏邑

吳越春秋曰啟即天子之位治國於夏遵禹貢之美悉

九州之土以種五穀累歲不絕統箋曰郡國志潁川陽翟禹所都蓋禹始封於此為夏伯啟即位居此故曰夏邑

大饗諸侯于鈞臺

左傳椒舉曰夏啟有鈞臺之饗杜註河南陽翟縣南有

鈞臺水經潁水注東南歷大陵西連山亦曰啟筮亭啟

亭神於大陵之上即鈞臺也一統志曰鈞臺在禹州城北門外魏收志曰陽翟有

禹山祠又有鈞臺破陂方十里

諸侯從帝歸于冀都大饗諸侯于璿臺

易歸藏曰昔者夏后啟筮享神於晉之虛作為璿臺於

水之陽王融曲水園詩序曰夏后兩龍載驅璿臺之上

御覽引史記曰昔夏后啟筮乘龍以登于天占於臯陶臯陶曰吉而必同與神交通以身為帝以王四卿

古史紀年卷三 九

二年費侯伯益出就國

越絕書曰益與禹臣於舜舜傳之禹薦益而封之百里

禹崩啟立曉知王事達於君臣之義統箋曰莊十六年

傳滑伯同盟于幽杜預曰滑國都費河南緱氏縣伯益

封費宜即此也

王帥師伐有扈大戰于甘

原註有扈在始平鄠縣○前漢志曰扶風鄠縣有扈谷亭後志

有甘亭馬融曰甘有扈氏南郊地名

史記曰有扈氏不服啟伐之

世本日有扈夏同姓史記曰禹後分封用國為姓有

有扈氏淮南子曰有扈氏為義而亡高誘注曰禹啟之庶兄以堯舜舉啟禹獨與子放伐啟楚辭注曰禹啟天下禪與益益避啟於箕山之陽天下皆去益而歸啟以

為君益卒不得立有扈氏叛啟啟率六卿以伐之也

大戰于甘將戰作甘誓乃召六卿申之啟曰嗟六事之

人予誓告女有扈氏威侮五行怠棄三正天用勦絕其

命今予維共行天之罰左不攻于左右不攻于右女不共命御非其馬之正女不共命用命賞于祖不用命

于社予則帑饒汝遂滅有扈氏天下咸朝呂氏春秋曰夏后相與有

扈戰於甘澤而不勝六卿請復之夏后相曰不可吾地不淺吾民不寡戰而不勝是吾德薄而教不善也於是

乎處不重席食不貳味琴瑟不張鐘鼓不修子女不飾親親長尊賢使能期年而有扈氏服案相宜曰啟御覽八十二引作夏后伯啟是今本誤也楚辭注曰有扈氏本牧豎之人耳因何逢遇而得為諸侯乎啟攻有扈之時親於其牀上擊而殺之周書曰有夏之方興也

扈氏弱而不恭身死國亡吳子曰有扈氏之君恃衆好勇以喪其社稷韓非子曰有扈氏有失度亡國之臣也

子代禹未

六年伯益薨祠之東哲傳謂竹書言益于啟位啟殺之今無此語漢律歷志曰壽王言化益為天

越絕書曰益死之後啟歲善犧牲以祠之經曰夏啟善犧於益此之謂也

古史紀年卷三

八年帝使孟涂如巴泄訟刀劍錄曰夏后啟以庚戌八年望山案紀年是非庚戌年

海內南經曰夏后啟之臣曰孟涂是司神于巴人請訟於孟涂之所其衣有血者乃執之是請生居山上在丹

山西丹山在丹陽屬巴水經曰江水歷峽東逕新崩灘注云其下十餘里有大巫山非唯三峽所無乃當抗峯

岷峨偕嶺衡疑其翼附羣山竝巢青雲更就霄漢辨其優劣耳神孟涂所處

十年帝巡狩舞九韶于天穆之野山海經郭注引作夏后引作夏后開衡九招路史注引作啟登后九年舞九韶並與今本小異

大荒西經曰夏后開上三嬪于天案天下宜有穆字得九辯與

九歌以下此天穆之野高二千仞開焉得始歌九招又

海外西經曰大樂之野夏后啟於此儻九代楚詞天間

曰啟棘賓商九辯九歌注云九辯九歌啟所作樂也言

啟能修明禹業陳列宮商之音備其禮樂也歸藏曰昔

彼九寔是與帝辯同宮之序是為九歌墨子引武觀曰啟乃淫溢康樂

野于飲食將將銘堯鑿以力湛濁于酒渝食于野萬舞翼翼章聞于天天用弗式

十一年放王季子武觀于西河原註武觀即五觀也觀國今頓丘衛縣

左傳曰夏有觀扈杜註觀國今頓丘衛縣國語士贖曰

啟有五觀古今人表啟子昆第五人號五觀水經注曰

淇水又北逕頓丘縣故城西古文尚書以為觀地矣郡國志曰衛本觀國姚姓蓋太康第五君之號為五觀者也史記志疑曰武五音

近或相通借其實一人非五人也禹貢浮于積石至于龍門西河孔疏

曰河在冀州之西故謂之西河

古史紀年卷三

十五年武觀以西河叛彭伯壽帥師征西河武觀來歸路史啟征西河註謂紀年在本異

周書曰其在殷殷當作夏之五子忘伯禹之命假國無正用

晉興作亂遂凶厥國皇天哀禹賜以彭壽思正夏畧案鄭語祝融其後八姓彭其一也此彭壽蓋即彭祖之後

十六年陟路史註引紀年云啟即位年三十九七十八皆與今本不同

路史引年代歷云啟壽九十在位十六年又十五年在

父朝六十年在虞朝生當舜攝之二十一年案世紀謂啟在位十

年紀運圖經世書通志大紀前編並云九年惟年代歷路史與紀年合

帝太康

史記曰帝啟崩子帝太康立

元年癸未啟崩於戊寅至是五年帝卽位居斟鄩

漢書薛瓚註曰斟鄩在河南汲郡古文太康居斟鄩括地志曰故鄩城在洛州鞏縣西南五十八里史記曰禹後分封用

國為姓有斟鄩氏斟氏

斟于洛表羿入居斟鄩路史註引汲冢古文云太康居斟鄩乃失邦漢志北海平壽縣臣瓚

引汲郡古文太康居斟鄩亦居之時斟鄩又自河南遷北海也張敖地理志曰濟南平壽縣其地卽古斟鄩國杜預曰斟亭在平壽縣東南今在青州濰縣

夏書曰太康尸位以逸豫滅厥德黎民咸貳乃盤遊無

度楚辭曰啟九辨與九歌兮夏康娛以自縱不顧難以圖後今五子用失乎家巷王註夏太康不遵禹啟

之樂而更作淫聲放縱情慾以自娛樂不顧患難不謀後世卒以失國兄第五人皆居於閭巷啟于有

洛之表十旬弗反有窮后羿因民弗忍距于河帝紀曰世紀曰

窮氏未聞其姓何先帝嚳以上世掌射正至嚳賜以彤弓素矢封之于鋤為帝司射歷虞夏羿學射于吉甫其

古史紀年卷三 五

臂長故以善射聞及夏之衰自鋤遷于窮石因夏民以代夏政吳越春秋曰楚有狐父習用弓矢所射無脫以其道傳於羿左傳曰昔有仍氏生女黶黑而甚美光可以鑑名曰元婁樂正后夔取之生伯封實有豕心貪昧無厭忿類無期謂之封豕有厥弟五人御其母以從後

于洛之汭五子咸怨述大禹之戒以作歌其一曰皇祖

有訓民可近不可下民惟邦本本固邦寧予視天下愚

夫愚婦一能勝予一人三失怨豈在明不見是圖予臨

兆民慄乎若朽索之馭六馬為人上者奈何不敬其二

曰訓有之內作色荒外作禽荒甘酒世本曰禹時儀狄始作酒醪變五味

國策曰昔者帝女令儀狄作酒而美進之禹禹飲而嗜甘之遂疏儀狄絕旨酒曰後世必有以酒亡其國者

音峻宇雕牆有一于此或亡其三曰惟彼陶唐有

此冀方今失厥道亂其紀綱乃底滅亡其四曰明明我

祖萬邦之君有典有則貽厥子孫關石和鈞王府則有

荒墜厥緒覆宗絕祀其五曰嗚呼曷歸予懷之悲萬姓
仇予予將疇依鬱陶乎予心顏厚有忸怩弗慎厥德雖
悔可追

四年陟

世紀曰二十九年失政而崩刀劍錄外紀經世書
通志前編並同路史云十九年失政又十歲而死
又引時代歷云在位
十二年均與紀年異

路史註曰放逐之後世莫知其死者屈子天問有云何
獻蒸肉之膏而后帝不若冬祭曰蒸此似羿于冬祭獻
鵝肉而加害也他書無明文惟天問載此二語統箋曰
寰宇記拱州太康縣城太康所築故以名一統志太康
縣在開封府東南二百一十里本夏太康所築城時太
康爲羿所距不得返國故陟于此

帝仲康

古史紀年卷三

三

史記曰太康崩弟仲康立是爲帝仲康

孔傳曰羿廢太
康而立其弟仲

康爲
天子

元年己丑

太康崩于丙
戌至是三年

帝卽位居斟鄩

五年秋九月庚戌朔日有食之命允侯帥師征羲和

唐大
衍歷

日新歷仲康五年癸巳歲九月庚戌朔日蝕在
房二度虞劄以爲仲康元年非也與竹書合

夏書曰羲和湏淫廢時亂日允往征之作允征

孔傳允
國之君

受王命征之書願命有允之舞
衣孫之驥曰允國今利之允山惟仲康肇位四海允侯

命掌六師羲和廢厥職酒荒于厥邑允侯承王命徂征

告于衆曰嗟予有衆聖有謨訓明徵定保先王克謹天

戒臣人克有常憲百官修輔厥后惟明明每歲孟春邇

人以木鐸徇于路官師相規工執藝事以諫其或不恭

邦有常刑惟時羲和顛覆厥德沈亂于酒畔官離次俶

擾天紀遐棄厥司乃季秋月朔辰弗集于房瞽奏鼓嗇夫馳庶人走義和尸厥官罔聞知昏迷于天象以干先王之誅政典曰先時者殺無赦不及時者殺無赦今予以爾有衆奉將天罰爾衆士同力王室尙弼予欽承天子威命火炎崑岡玉石俱焚天吏逸德烈于猛火殲厥渠魁脅從罔治舊染汚俗咸與惟新嗚呼威克厥愛允濟愛克厥威允罔功其爾衆士懋戒哉

六年錫昆吾命作伯

鄭語史伯曰夫黎爲高辛氏火正以淳耀惇大天明地德光昭四海故命之曰祝融其後八姓已董彭禿昆吾爲夏伯矣韋註云昆吾祝融之孫陸終第三子名樊爲已姓封于昆吾昆吾衛是也其後夏衰昆吾爲夏伯風

古史紀年卷三

古

俗通義曰夏后太康娛于耽樂不循民事諸侯僭差于是昆吾氏乃爲盟主誅不從命以尊王室括地志曰昆吾故城在濮陽縣西三十里

七年陟

年代歷云二十八年路史引經世書外紀通志紹運圖前編並云十三年路史云十八年並與紀年異

世子相出居商丘依邳侯

原註一作依同姓諸侯樹灌樹邳○水經巨洋水注曰夏相能樹灌也案相依樹灌在九年依樹邳在二十六年此注

商上依同姓之諸侯樹灌似襲水經注而誤也

海內經曰帝俊生禹號禹號生淫梁淫梁生番禺是始

爲舟番禺生奚仲奚仲生吉光吉光是始以木爲車左

傳薛辛曰吾祖奚仲居薛爲夏車正古史考曰黃帝作車少昊時略加牛

禹時奚仲加馬奚仲遷于邳杜註奚仲爲夏禹掌車服大夫太康地記曰奚仲遷于邳謂之下邳郡縣釋名曰南直邳州本夏邳國

帝相

史記曰中康崩子帝相立

元年戊戌仲康崩於乙未至是三年帝卽位居商

世紀曰相徙商上於周爲衛成公夢康叔曰相奪予享是也

征淮夷路史引作征淮夷吠夷

後漢書曰昔夏后氏太康失國四夷背叛及后相卽位乃征吠夷世本曰淮夷羸姓

附錄條谷貢桐芍藥

古史紀年卷三

古琴疏曰帝相元年條谷貢桐芍藥帝命羿植桐於雲和命武羅伯植芍藥於後苑武羅伯諫曰帝方崇厥德怪草奇木懼遷厥嗜宜食駕車之善馬帝不從於是作誼諫羿乃伐桐爲琴以進帝帝善之名曰條谷帝稍移於音樂不聽政事爲羿所逐居於商丘援琴作源水之歌歌曰涓涓源水不壅不塞輟旣破碎庸大其輻事以

敗矣乃重太息案荀子法行篇引詩與此歌同

二年征風夷黃夷後漢書東夷傳註引紀年云后相卽位征黃夷

山堂考索曰白吠夷方夷于夷黃夷白夷元夷風夷陽夷率皆土著喜飲酒歌舞或冠弁衣飾器用俎豆所謂

中國失禮求之四夷者也

七年于夷來賓韓昡曰于夷卽禹貢嶠夷也

後漢書曰后相征畎夷七年然後來賓

八年寒泥殺羿

繫于二十七年

舊云使其子澆居過案泥之生澆因羿室也安得此時卽有澆居過乎今從左傳移

減二對之下

左傳魏莊子曰昔有夏之方衰也后羿自鉏史正義引括地志云

故鉏城在滑州遷於窮石史正義引晉地記云河南有窮谷因夏民以

代夏政恃其射也不修民事而淫於原獸棄武羅伯因

熊髡扈圍而用寒泥古今人表作韓促寒泥伯明氏之讒子弟

也世本云邳姓晉志濟南平壽縣古寒國伯明后寒棄之夷羿收之信而

使之以爲己相泥行媚於內而施賂於外愚弄其民而

虞羿於田樹之詐慝以取其國家外內咸服羿猶不悛

將歸自田家衆殺而烹之楚辭註曰泥使家臣逢蒙射而殺之孟子曰逢蒙學射於

羿盡羿之道思天下惟羿爲愈已於是殺羿論衡作龐

門是子呂氏春秋曰蓬門始習於甘繩淮南子曰羿死

於桃梧又云羿死桃部不給射注云桃部地名以食其

羿爲逢蒙所殺不及攝已而射世紀作桃梧世紀云泥遂代夏立

子其子不忍食之死於窮門爲帝襲有窮之號泥因

羿室生澆及豷說文引作生敖及豷楚詞注曰泥娶純

臉梁多力

九年相居于斟灌原註斟灌之墟是爲帝上

水經巨洋水注曰堯水又東北逕東西壽光二縣間應

劭曰壽光縣有灌亭杜預曰在縣東南斟灌國也按地

理志北海有斟縣京相璠曰故斟尋國禹後西北去灌

亭九十漑水又北逕寒亭西郡國志曰平壽在斟灌東

薛瓚漢書集註云按汲郡古文相居斟灌東郡灌是也

明帝以封周後改曰衛斟尋在河南非平壽也又云太

康居斟尋羿亦居之桀又居之尙書序曰太康失國兄

第五人僉于洛汭此卽大康之居爲近洛也余考瓚所據今河南尋也衛國有觀土國語曰啟有五觀謂之姦子五觀蓋其名也所處之邑其名曰觀皇甫謐曰衛也又云夏相徙商丘依同姓之諸侯于斟灌斟尋氏卽汲冢書云相居斟灌也旣依斟尋明斟尋非一居矣

十五年商侯相土作乘馬遂遷于商丘

史記曰契佐禹治水有功帝舜乃命契爲司徒封於商

括地志曰商州東八十里商洛縣本商邑右之商國禹所封也賜姓子氏契卒 世本曰契居蕃

子昭明立 世本曰昭明居砥石 昭明卒子相土立世本曰相土作

乘馬 何楷曰乘馬卽旬賦 詩長發曰相土烈烈海外有截左傳曰

昔陶唐氏火正閼伯居商丘相土因之 世本曰相土居商丘括地志曰

宋州城古閼伯之墟卽商丘也一統志曰商丘在歸德府城西南三里高百尺一名閼伯臺

古史紀年卷三

七

二十年寒泥滅戈

史記曰禹後分封用國爲姓有戈氏左傳哀十二年鄭

人城富戈錫杜氏曰戈在宋鄭之間 括地志曰泥旣滅戈因遂封殪於戈

按泥因羿室至是十三年而殪又澆之弟則是時尚幼左傳敘處過戈於滅二斟之後爲得其實

二十六年寒泥使其子澆帥師滅斟灌

二十七年澆伐斟鄩大戰于澼覆其舟滅之 事見天問日知錄以此卽

弄盪舟事漢時竹書未出故孔安國以爲陸地行舟而後人因之爾

統箋曰按水經注澼水出瑯琊箕縣屋箕山東北逕都

昌縣東又東北入海莽伐斟尋戰于是水而覆其舟淮

南子澼水出覆舟山蓋因是以立名也今本作覆舟覆

乃覆之譌

寒泥使其子澆居過 舊在八年據左傳移此

左傳曰泥恃其讒惡詐僞而不德于民使澆用師滅斟
灌斟尋氏處澆于過處殪于戈路史引括地志過猗姓國今萊之掖西北二十

有過鄉過亭有過氏

二十八年是歲乙丑寒泥使其子澆弑帝

左傳伍員曰昔有過澆殺斟灌以伐斟鄩滅夏后相

后緡歸于有仍

原註后緡方娠逃出自竇歸于有仍見左傳賈逵曰有仍之姓古今人表作有仍

伯靡出奔鬲

伯靡出奔鬲

原註伯靡奔有鬲氏見左傳杜預曰靡夏遺臣事羿者有

鬲國名今平原國鬲縣是括地志曰故鬲縣在德州安德縣西北十五里應劭曰鬲

偃妣皐陶後也世紀曰初夏之遺臣曰靡事羿死逃于有鬲

古史紀年卷三 六

氏全謝山曰夷羿雖篡帝相仍居商丘泥篡羿又二十

年始弑相靡前此仍事相至此始奔有鬲竹書此條較

左氏為覈若相在而靡已事羿尙得為忠乎

丙寅年夏世子少康生

原註明年后緡生少康既長為仍牧正世本云少康作箕帝碁澆

能戒之見左傳

乙酉年少康自有仍奔虞案時年二十

原註澆使椒求之將至仍少康逃奔有虞水經注汲水

故城北古虞國也為之庖正世本云少康作林酒以除其害虞思於是妻

之以二姚史吳世家伍員曰少康奔有虞有虞思夏德於是妻之以二女不以思為虞君之名說異

而邑諸綸國名紀曰今宋之虞城有田一成有眾一旅能

布其德而兆其謀以收夏眾撫其官職見左傳日知錄曰

夏之都本在安邑太康敗於洛表而羿距於河則冀方

之地入於羿矣惟河之東與南為夏所有至后相失國

依於二斟於是使澆用師殺斟灌在今壽光縣以伐斟鄩在今濰縣

而相逐滅乃處澆于過今掖縣以制東方處豷于戈杜

解在宋鄭之間以控南國其時靡奔有鬲在今德平縣在河之東少

康奔有虞今虞城縣在河之南而自河以內無不安於亂賊

者矣合魏絳伍員二人之言可以觀當日之形勢而少

康之所以布德兆謀者亦難乎其為力矣

甲辰伯靡自鬲帥斟鄩斟灌之師以伐浞按時少康年三十九

原註夏之遺臣伯靡自有鬲氏收二斟之燼以伐浞見左

傳泥恃澆皆康娛日忘其惡而不為備

世子少康使汝艾伐過殺澆

古史紀年卷三 九

原註少康使汝艾謀澆初浞娶純狐氏有子早死其婦

曰女岐寡居澆強圍往至其戶陽有所求女岐為之縫

裳共舍而宿天問曰女岐縫裳而館同爰止王逸注曰女岐澆嫂也汝艾夜使人

襲斷其首乃女岐也澆既多力又善走艾乃畋獵放犬

逐獸因喉澆顛隕乃斬澆以歸於少康以上事見天問左傳魏

絳曰少康滅澆於過

伯子杼帥師滅戈乙巳年

左傳伍員曰使季杼誘豷魏絳曰后杼滅豷于戈杜註

季杼少康子后杼也世本曰季杼作甲

乙巳伯靡殺寒浞少康自綸歸于夏邑按少康年四十

原註於是夏眾滅浞奉少康歸于夏邑諸侯聞之立為

天子祀夏配天不失舊物

帝少康

史記曰帝相崩子帝少康立按史紀帝相之弒於吳世甚

元年丙午帝即位

十道志曰陽翟有少康城洛陽記云夏少康故邑水經
潁水東歷少康城卽此又瀛有中水城圖經云夏少康
所造

諸侯來朝賓虞公

二年方夷來賓路史注引

後漢書曰夏后氏太康失德夷人始畔自少康已後世
服王化遂賓于王門獻其舞樂又東夷傳有方夷注曰
少康卽位方夷來賓

古史紀年卷三

三

三年復田稷

原註后稷之後不窋失官至是而復史記曰后稷之興
在陶唐虞夏之際皆有令德史記曰堯舉棄爲農師舜

氏國語祭公謀父曰昔我先王世后稷後稷別姓姬

以服事虞夏世紀曰邨今扶風黎是也

穀而山黑水之間有廣都之野后稷葬焉

曰西人黑水之間有廣都之野后稷葬焉

曰姑吉人也后稷之元妃也世紀曰后稷納姑氏生不

窋山海經曰稷之弟曰台台生叔均叔均是始作牛耕呂

梁播百穀始作耕又曰台生叔均叔均是始作牛耕呂

不窋曰后稷生叔均叔均是始作牛耕呂

不窋曰后稷生叔均叔均是始作牛耕呂

春秋曰公劉慈仁行不履生草運車以避葭葦公劉避
夏桀於戎狄變易風俗民化其政漢書劉敬傳曰周之
先自后稷堯封之邠積德累善十餘世公劉避桀居豳
郡縣志曰古豳城在邠州三水縣西三十里公劉始都
之處詩世本古義曰披史記載劉敬說漢高帝謂公劉
居豳當夏桀之時則其非后稷曾孫明矣然愚攷竹書
載夏少康三年復田稷注謂后稷之後不密失官則公
劉之興當在此時而詩中如行葦甫田大田諸篇宜皆
爲公劉之詩其詩中皆有曾孫之語自漆沮度渭取材
則公劉之爲后稷曾孫似無可疑

用行者有資居者有畜積民賴其慶百姓懷之多徙而
保歸焉周道之興自此始紀年注曰公劉有德諸侯皆以天子之禮待之故詩

人歌樂思其德詩大雅公劉召康公戒成王也篤公劉

匪居匪康迺場迺疆迺積迺倉迺裹餼糧于橐于囊思

輯用光弓矢斯張干戈戚揚爰方啟行篤公劉于胥斯

原既庶既繁既順迺宣而無永歎陟則在嶽復降在原

何以舟之維玉及瑤鞞琇容刀篤公劉逝彼百泉瞻彼

古史紀年卷三 三

溥原迺陟南岡乃覲于京京師之野于時處處于時廬

旅于時言言于時語語篤公劉于京斯依踰踰濟濟俾

筵俾几既登乃依乃造其曹執豕于牢酌之用匏食之

飲之君之宗之篤公劉既溥既長既景迺岡相其陰陽

觀其流泉其軍三單度其陞原徹田爲糧度其夕陽豳

居允荒篤公劉于豳斯館涉渭爲亂取厲取鍛止基迺

理爰衆爰有夾其皇澗迺其過澗止旅迺密芮鞠之卽

案周自后稷至文王千有餘歲而史記只歷十五代

蓋惑於國語十五王而文始平之語金仁山謂十五

王者以有德之宗數之猶殷言賢聖之君六七作也

謂只十五世此說得之卽如自堯舜至大康已歷

帝而不密值夏之衰只傳二世此脫誤之顯然者今

以山海經證之則棄台璽正當唐虞之世叔均當禹
及啟之世不窋當太康仲康之世鞠當相之世公劉
當少康之世年數均足相敵故皇王大紀以公劉遷
豳附於少康之甲子非無見也呂梁碑謂叔均數世
始至不窋劉敬傳謂周自后稷積德累善十有餘世
公劉避桀遷豳此皆誤以國語夏后氏之衰爲指桀
之世不知周世雖多疎略不應后稷以後歷夏十數
王盡逸其世也陳逢衡謂周家世代之缺在公劉後
不在公劉前得之矣

十一年使商侯冥治河

殷本紀曰相土卒子昌若立昌若卒子曹圉立

索隱引世本作

根國漢書人表作根國禮祭法疏引世本作遭圍生根國根國生冥

曹圉卒子冥立鄭元

古史紀年卷三

三

曰冥契六世之孫也其官元冥季康子曰吾聞元冥爲
水正宋衷曰冥爲司空勤其官事

十八年遷于原

杜預曰沁水西北有原城今河內軹

二十一年陟

通志同路史云在位四十六歲年八十八經世書作二十二年前編以生年紀元作六十

年

吳越春秋曰少康恐禹祭之絕祀乃封其庶子於越號
曰無余余始受封人民山居雖有鳥田之利租貢纔給
宗廟祭祀之費乃復隨陵陸而耕種或逐禽鹿而給食
無余質朴不設宮室之飾從民居春秋祠禹墓於會稽

帝杼

水經注曰大越之國秦爲山陰縣會稽郡治也夏后少康封少子杼以奉禹祀原註杼或作帝宁一曰伯杼能帥禹者也故夏后氏報焉○案語見魯語

史記曰帝少康崩子帝子立

春秋內外傳世表皆作子索隱引紀作子引表作子

復引世本作佇墨子作仔

元年己巳

少康崩于丙寅至是三年帝卽位居原

五年自原遷于老丘

左傳定公十五年鄭罕達敗宋師于老丘杜註老丘宋

地春秋地名攷曰今開封府陳留縣四十五里有老丘

城見陳留風俗傳

八年征于東海及三壽得一狐九尾

路史帝杵五歲征東海伐三壽注云本作

王壽紀年云夏伯杵子之東征獲狐九尾與今本小異

國名紀曰后杵征東海伐王壽宜是平壽衛之下邑在

濰州西南三十里山海經曰青丘之國有狐九尾

寰宇記湖

州烏程縣有杵山在縣西南三十里山墟名云昔夏后杵巡狩之所今山上有古城曰避地城

古史紀年卷三

三

十三年商侯冥死于河

魯語曰冥勤其官而水死又曰商人郊冥而宗湯韋昭

曰冥契後六世孫根圉之子也爲夏水官勤於其職而

死於水殷本紀曰冥卒子振立

索隱曰系本作核

十七年陟

經世通志前編同路史作二十七歲

古史紀年卷三終

古史紀年卷四

閩中林春溥鑑塘纂

帝芬

原註芬或曰芬發

史記曰帝子崩子槐立

左傳疏引世紀索隱引世本並作芬人表分芬槐為二非

元年戊子

杼崩於乙酉至是三年

帝卽位

三年九夷來御

路史帝槐立三歲而東九夷來御注云賦于方黃白赤

元風陽凡九見竹書後漢書東夷傳引竹書作二年

十六年洛伯用與河伯馮夷鬪

水經洛水注引同

莊岳委談曰洛與河國名也伯爵也用與馮夷人名也

觀泄十六年殷侯以河伯之師伐易則河伯為諸侯而

馮夷非神鬼昭昭矣穆天子傳河宗柏夭為穆王乘副

古史紀年卷四

車導之極于西土而後返則當時柏夭亦造父奔戎之

屬護從穆王者

統箋曰穆天子傳天子西征驚行至於陽紆之山無夷之所都居是惟河

宗氏河宗伯天逆天子燕然之山郭注無夷馮夷也蓋馮夷為伯天之遠祖帝芬時諸侯也水經注曰竹書紀

年洛伯用與河伯馮夷鬪蓋洛水之神其說非矣史記志疑曰馮夷一云八月庚子渡河溺死而溺死為河伯

莊子曰釋文曰因其一云八月庚子渡河溺死而溺死為河伯

河溺死則是一云八月庚子渡河溺死而溺死為河伯

經云中極之國深三百仞冰夷都焉冰夷人面乘兩龍

括地圖所謂乘雲車駕八尺以從此影撰不知河國居

副車道西土推之固是藉如後世所謂魚身人首何以

周旋天子之側哉

博物志曰馮夷華陰潼鄉人也

三十三年封昆吾氏子于有蘇

鄭語史伯曰祝融能昭天地之光明以生柔嘉材者也其後八姓已姓昆吾蘇顧溫董韋注五國皆昆吾之董後別封者莒其後

姓駸夷秦龍彭姓彭祖韋注曰封於大冢韋韋注曰彭姓之別封

於豕諸稽禿姓舟人妘姓鄔鄔路偃陽曹姓鄒莒陸終

第五子曰安為斟姓無後芊姓夔越唯荆實有令德唐

書世系表曰顓頊孫樊封於昆吾昆吾之子封於蘇其

地鄴西蘇城是路史曰懷之武德有蘇故城

三十六年作囿土

周禮大司寇以囿土聚教罷民凡害人者置之囿土而

施職事焉鄭注曰囿土者獄城也水經注曰夏曰夏臺

殷曰羗里周曰囿圉皆囿土也左傳夏有亂政而作禹刑大辟二百臈辟三百宮辟五百劓墨各千

四十四年陟

世紀云二十八年經世書通志路史前編並二十六年

古史紀年卷四

帝芒原註芒或作帝荒○初學記引紀年作荒北堂書鈔作后荒左傳疏引世紀作芒

史記曰帝槐崩子帝芒立寰宇記武城縣引隋區宇圖云夏禹七代孫去封公子武

於此建國案芸當即芒之異文

元年壬申帝芬崩于辛未踰年改元帝即位

以元珪賓于河

初學記引作元璧

十三年東狩于海獲大魚

路史芒如之元年首以元圭賓于河乃東狩海本注引

東狩于海獲大魚○案路史誤合兩年事為一

三十三年商侯遷于殷

世本曰子亥遷殷人表作冥子亥亥即亥也

五十八年陟

經世書通志路史前編並云十八年

帝泄左傳疏引世紀作世路史作洩

史記曰帝芒崩子帝泄立

元年辛未帝芒崩于己巳至是二年帝卽位

十二年殷侯子亥賓于有易有易殺而放之

原註殷侯子亥賓于有易而淫焉有易之君綿臣殺而放之山海經曰王亥託于有易河伯僕牛有易殺王亥取僕牛郭注云河伯僕牛皆人姓名見汲郡竹書

殷本紀曰振卒子亥子微立

十六年殷侯微以河伯之師伐有易殺其君綿臣

原註殷侯上甲微假師于河伯以伐有易滅之遂殺其

君綿臣山海經曰河念有易有易潛出為國於獸方食之名曰搖民郭注曰言有易本與河伯友善上

甲微殷之賢王假師以義伐罪故河伯民不得引竹書殷既而哀念有易使得潛化而出化為搖民又引竹書殷

古史紀年卷四 三

王子亥賓于有易以下至殺中葉衰而上甲微復興故

其君綿臣與今原註並同

殷人報焉豐本詩經載長發第三章云冥勤于官水國載安有易凶頑僕牛是殘帝命式甄上甲桓桓孝思孔宣見詩世本古義註指此事也

世紀曰微字上甲其母以甲日生故也商家生子以日為名蓋自微始

二十一年命眘夷白夷元夷風夷赤夷黃夷赤夷二字舊空今據後漢

書路史注引補

後漢書西羌傳曰至于后泄始加爵命由是服從又東

夷傳註引竹書作命眘夷白夷赤夷元夷風夷陽夷路

史帝洩二十有一歲六夷來御於是始加爵命注云眘

白赤元風陽之六夷也紀年云繇是服從

二十五年陟路史引紀年作二與今本異

世紀路史作二十六年經世書年代厯通志前編並作

十六年

帝不降索隱引世本作帝降

史記曰帝泄崩子帝不降立

元年己亥泄崩于乙未至是四年帝卽位

六年伐九苑

捷錄法原曰不降帝崇最久九苑一役僅可稱述

三十五年殷滅皮氏按此殷滅國之始

周書曰信不行義不立則哲士陵君政禁而生亂皮氏

以亡括地志曰絳州龍門縣西一里八十步卽古皮氏

城也

五十九年遜位于弟局是年丁酉

原註三代之世內禪惟不降實有聖德

古史紀年卷四

四

帝局世紀作帝喬

史記曰帝不降崩弟帝局立按與紀年異

元年戊戌帝卽位

十年帝不降陟是年丁未

路史云不降五十有九歲陟下註云年代歷同通志紀

年六十九紹運圖六十三

十八年陟

世紀經世書年代歷通志路史前編並云帝局二十一

年

帝廙世紀作帝廣

原註一名允甲御覽引同路史以允甲爲廙之子史記曰帝局崩子帝

廙立

元年己未帝崩于乙卯至是四年帝卽位居西河

孫之駮曰西河衛地在河之西卽五觀之封

四年作西音

呂氏春秋曰殷整甲徙宅西河猶思故處實始作爲西

音長公繼是音以處西山秦穆公取風焉實始作爲秦

音統箋曰據竹書殷王河壺甲名整自相遷器無宅西

也梁劉勰文心雕龍曰夏甲歎於東陽東音以發殷聲思於西河西音以興是又以不韋誤矣

昆吾氏遷于許原註已姓名樊封於衛夏哀爲伯遷於舊許

左傳楚靈王曰昔我皇祖伯父昆吾舊許是宅地理志

潁川許縣故許國統箋云今開封府許州卽昆吾所遷

地也

八年天有妖孽十日並出其年陟世紀通志路史並云二十一年紹運圖二十二經

古史紀年卷四 五

世前編 二十一

論衡曰十日似日非實日也堯之時十日並出萬物焦

枯堯上射十日九日去一日常出呂覽曰有衆日並出

天下分也海外東經曰湯谷上有扶桑十日所浴在黑齒北居水中有大木九日居下枝一日居上

枝大荒東經曰湯谷上有扶木一日方至一日方出郭注曰汲郡竹書曰允甲卽位居西河有妖孽十日並出

明天地雖有十日自使以次第迭出運照而今俱見爲天下妖災故羿稟堯之命洞其靈誠仰天控弦而九日

潛退路史餘論曰天有十日居於陽谷在黑齒之北一

日居上枝九日居下枝次以甲乙迭運中土君有失道

則兩日並出三日出爭以至十日並出

帝孔甲路史作允甲注云見汲紀年左傳作孔甲非也與今本異

史記曰帝厲崩立帝不降之子孔甲是爲帝孔甲

元年己巳帝厲崩于丙寅至是三年帝卽位居西河

原註王好事鬼神肆行淫亂諸侯化之夏政始衰周語

甲亂夏四世而殞史記曰帝孔甲立好方鬼神事淫亂夏后氏德衰諸侯畔之

廢豕韋氏使劉累豢龍

左傳蔡墨曰昔有颺叔安有裔子曰董父實甚好龍能求其耆欲以飲食之龍多歸之乃擾畜龍以服事帝舜帝賜之姓曰董氏曰豢龍封諸澠川澠夷氏其後也故帝舜氏世有畜龍及夏孔甲擾于有帝帝賜之乘龍河漢各二各有雌雄孔甲不能食而未獲豢龍氏鄭語曰夷豢龍則夏滅之矣蓋滅在孔甲之前有陶唐氏既衰其後有劉累路史曰堯長子監明早死封其子式於留留累其後也括地志曰劉累故城在洛州緱氏縣南五十里學擾龍于豢龍氏以事孔甲能飲食之夏后嘉之賜氏曰御龍以更豕韋之後

古史紀年卷四 六

三年王畋于蕢山

原註田于東陽蕢山水經注曰世紀以為卽東首陽山郡國志泰山南城縣有東陽城孔

甲田于東陽蕢山卽此天大風晦盲孔甲迷惑入于民室主人方

乳或曰后來見呂覽見良日也之子必大吉或又曰不

勝也之子必有殃孔甲聞之曰以為余一人子夫誰殃

之乃取其子以歸見呂氏春秋

五年作東音

原註子既長卽東陽民之子為斧所戕乃作破斧之歌

是為東音呂氏春秋曰子長成人幕動折棟斧斫斬其足遂為守門者孔甲曰嗚呼有疾命矣乎乃

作為破斧之歌實始為東音

七年劉累遷于魯陽

原註劉累所畜龍一雌死潛醢以食夏后夏后饗之師

而使求之懼而遷于魯陽左傳作魯縣地理志南陽魯陽縣有魯山古魯縣御龍氏
所遷續博物志曰劉累遷魯立堯祠於山一統志魯山在汝州魯山縣東一百八十里其後爲范

氏見左傳

九年經世書年代歷通志前編並作三十一年路史據刀劔錄作四十年

列仙傳曰師門者嘯父弟子也能使火爲夏孔甲龍師

孔甲不能順其意殺而埋之野外一旦風雨迎之訖則

山木皆焚孔甲祠而禱之還而道死路史引刀劔錄曰

年歲次甲辰採牛首山鐵鑄一劔
銘曰夾古文篆書長四尺一寸

殷侯復歸于商上

世本曰孔甲復歸商上統箋曰孔甲乃上甲之譌○案上甲微伐有

易至此已一百四年矣殷本紀曰微卒子報丁立報丁

卒子報乙立報乙卒子報丙立報丙卒子主壬立主壬

古史紀年卷四 七

卒子主癸立主癸卒子天乙立是爲成湯計自微至湯

七世而夏自帝泄至桀八世則此殷侯非報丙卽主壬

也

帝昊原註昊一作皐○世紀年代歷作簡皐

史記曰孔甲崩子帝皐立

元年庚辰孔甲崩于丁丑至是三年帝卽位

使豕韋氏復國

原註夏衰昆吾豕韋相繼爲伯水經注曰濮渠又東逕

韋城南卽白馬縣之韋鄉也史記曰夏伯豕韋之故國

矣

三年陟經世書通志路史前編並云十一年

左傳蹇叔曰殺有二陵焉其南陵夏后皐之墓也

帝發原註一名后敬或曰發惠

史記曰帝皇崩子帝發立

元年乙酉鼻崩于壬午至是三年帝卽位

諸夷賓于王門王門卽王門呂氏春秋不志王門之辱亦作玉讀再保墉會于上

池北堂書鈔引同路史曰於是思禹之功庸意于治似本此語也然不可解

後漢東夷傳曰夏后太康失德夷人始畔自少康已後

世服王化遂賓于玉門獻其樂舞項羽紀徐廣注曰成阜北門曰玉門

諸夷入舞北堂書鈔引同

樂稽耀嘉曰東夷之樂持矛舞助時生也南夷之樂持

羽舞助時養也西夷之樂持鼓舞助時斂也北夷之樂

持干舞助時藏也南夷之樂曰任西夷之樂曰禁北夷

之樂曰昧東夷之樂曰侏離孝經鉤命訣持羽作持弓持戟作持鉞持干作持楯

古史紀年卷四

西夷禁作朱離北夷昧作禁東夷侏離作昧樂元語又云東夷之樂曰朝離南夷之樂曰南西夷之樂曰昧北夷之樂曰禁

日禁

七年陟

世紀通志十三年外紀十一年路史十二年經世前編

十九年

泰山震

述異記曰桀時泰山山走石泣周武謂周公曰桀為不

道走山泣石

帝癸原註一名桀

史記曰帝發崩子帝履癸立是為桀世本日鼻生發及桀

元年壬辰帝發崩于辛卯踰年改元帝卽位居斟鄩

括地志曰故鄩城在洛州鞏縣西南五十八里

三年築傾宮

晏子春秋曰樂作旋室紆作傾宮高誘淮南註曰傾宮宮滿一頃孫之駮曰崑崙之上有

傾宮旋室
桀傲為之

國語曰桀伐有施有施人以妹喜女焉

河圖曰孔甲見逢氏抱小女妹

喜說之以為

列女傳曰未喜者夏桀之妃也美於色薄

於德亂孽無道女子行丈夫心佩劍帶冠桀既棄禮義

淫於婦人求美女積之於後宮收倡優侏儒狎徒能為

奇偉戲者聚之於旁造爛漫之樂日夜與未喜及宮女

飲酒無有休時

尸子曰桀紂欲長樂以苦百姓珍怪遠味必南海之薑北海之鹽西海之菁東

海之鯨禍天下厚矣纏子曰桀為天下酒濁而殺腐人

置未喜於膝上聽用其言

世紀曰妹喜好聞裂繒之聲為發繒裂之以順適其意

為酒池可以運舟世紀曰肉山脯

林以酒為池

一鼓而牛飲者三千人騎其頭而飲之於酒池

醉而溺死者未喜笑之以為樂造瓊室瑤臺以臨雲雨

博物志曰殫財盡幣意尚不饜
桀作瓦屋

毀容臺

古史紀年卷四

九

淮南子曰夏桀之時主闇晦而不明道瀾漫而不修棄

捐五帝之恩刑推蹶三王之法籍是以至德滅而不揚

帝道揜而不興舉事戾蒼天發號逆四時春秋縮其和

天地除其德仁君處位而不安大夫隱道而不言羣臣

準上意而懷富疏骨肉而自容邪人參耦比周而陰謀

居君臣父子之間而競載驕主而像其意亂人以成其

事是故君臣垂而不親骨肉疎而不附植社槁而墻裂

容臺振而掩覆

高誘曰容臺禮容之臺不行禮故振動而敗

犬羣嗥而入淵

豕銜羣而席澳美人挈首墨面而不容曼聲吞炭內閉

而不歌喪不盡其哀獵不聽其樂西姥折勝黃神嘯吟

飛鳥鍛翼走獸廢腳山無峻幹澤無注水狐狸首穴馬

牛放失管子曰桀者冬不為在夏不束附以觀其驚駭田無立禾

路無莎蘋金積折廉珠襲無理磬龜無腹著策日施記曰夏桀宮中有女子化為龍不可近俄而復為婦人甚麗而食人桀命為蛟妾告桀吉凶

吠夷入于岐以叛

後漢西羌傳曰后桀之亂吠夷入居邠岐之間注邠今陝州也

岐卽岐州

六年岐踵戎來賓

大荒北經曰歧踵國在拘纓東其為人大兩足亦大一

曰大踵淮南隆形訓有歧踵氏郭注曰其人行腳跟不著地也海山經曰流沙行五百里有山曰歧踵之山呂氏春秋曰夏桀染於羊辛墨子古

人表並跛踵戎

古史紀年卷四

十年五星錯行夜中星隕如雨

日月五星圖曰桀末五年五星交錯漢志曰歲星曰東方

五事貌也仁虧貌失逆春令傷木氣罰見歲星熒惑曰

南方夏火禮也視也禮虧視失逆夏氣罰見歲星熒惑曰

感太白曰西方秋金義也言也義虧言失逆秋氣罰見歲星

氣罰見太白辰星曰北方冬水知也聽也知虧聽失逆

冬令傷水氣罰見辰星填星曰中央季夏土信也思心

也仁義禮知以信為主星填星曰中央季夏土信也思心

失填星乃為之動荆州占曰五星者五行之精也王者

施恩布德正直清虛則五星順度出入應時人君無德

遠君子近小人則五星枉矢流星神見商戴詁曰夏桀

逆亂四時禮樂不行而幼風是御歷失制攝提失方鄒

地

尚書中候曰夏桀無道地吐黃霧隨巢子曰夏桀德衰

殺逢後與紀年異

焉關龍逢引黃圖諫不聽焚圖誅逢星隕如雨案此以星隕在

岱淵沸

伊洛竭

國語伯陽甫曰昔伊洛竭而夏亡

十一年會諸侯于仍有緡氏逃歸遂滅有緡

左傳椒舉曰夏桀為仍之會有緡叛之韓非子仍作有戎又左傳叔向

曰桀克有緡以喪其國杜註緡宋邑高平昌邑縣南有東緡城山海經季釐之國有緡淵通志曰夏

王桀欲肆其侈心為有仍之會有緡氏見王汰侈不善

也引師先歸桀怒帥諸侯之師攻克之愈自矜肆新書曰桀

自謂天父世紀曰桀淫虐有方力手能搏虎國人大崩諸侯韋氏顧氏昆吾

氏黨桀之惡恣行亂政以虐其民史記曰自孔甲以來而諸侯多叛夏桀不

務德而武傷百姓百姓弗堪歸藏曰桀筮伐有唐枚於熒惑曰不吉不利出征惟利安處彼為狸我為鼠勿用

作事恐傷其父

古史紀年卷四

十一

十三年遷于河南

史記吳起曰夏桀之居左河濟右泰華伊闕在其南羊

腸在其北修政不仁湯放之魏策吳起曰夏桀之國左

廬單在其北伊洛出其南有此天門之陰而右天谿之陽險也然為政不善而湯伐之統箋曰周書度邑篇武

王曰吾將因有夏之居南望過于三塗北詹有河是在

河之南也

初作輦

世紀曰桀始以人駕車呂覽高誘注曰人引車曰輦通典曰夏后氏末代制輦司

馬法曰夏后氏謂輦曰余車殷曰胡奴車周曰輜輦輦

一斧一斤一鑿一耜一鋤周輦加二版二築夏后氏二

十人而輦殷十八人而輦周十五人而輦

十四年扁帥師伐岷山原註一作山民國各紀曰桀伐蒙山氏即岷山氏今蒙州蒙山郡

原註癸命扁伐山民山民進女于桀二人曰琬曰琰后

愛二人女無子焉斲名于茗華之玉茗是琬華是琰而

棄其元妃于洛曰妹喜路史作命扁伐岷山氏岷山莊

之茗華而棄元妃于洛註曰二女御焉愛而無子乃刻

見紀年御覽引紀年云棄其元妃于洛曰琰刻名茗華之玉

氏以與伊尹于傾宮飾瑤臺居之楚詞天問曰桀伐蒙

交遂以閒夏之國而得妹嬉何所得焉王逸註

言夏桀征伐蒙山之國而得妹嬉案據紀年則得妹

喜在前及伐岷山乃得琬琰而妹喜被棄蒙山卽岷山

而妹喜得之有施氏非得之岷山也王註蓋誤

十五年商侯履遷于亳湯元年

世紀曰主癸之妃曰扶都見白氣貫月意感以乙日生

湯金樓子曰成湯母感狼星之情又感黑龍而成故名履字天乙是謂成湯豐

下銳上皙而有髯偃身而揚聲湯尚書大傳曰長九尺臂

四肘史記曰主癸卒子天乙立是為成湯自契至湯八

遷史記志疑曰荀子昭明居砥石遷於商左傳相土居

甲九年殷侯復歸商是五遷也路史國名紀湯始居

亳從先王居里里寰宇記曰穀熟縣殷謂之亳絕長纒短方地都

今寧陵縣界有葛城相去八十五里孟子云湯居亳與葛為鄰

四十里作帝誥書序曰作帝告釐沃○二篇俱亡

十七年商使伊尹來朝成湯三年

史記曰伊尹名阿衡春秋曰有佚氏女子採桑得嬰兒

於空桑之中獻之其君其君令婦人養之察其所以然

曰其母居伊水之上孕夢有神告之曰白出水而東走

水身因化為空桑故命之伊尹走十里而顧其邑盡為

行汲水化為枯桑其夫尋至水濱見桑穴中有兒乃收

養之晏子曰伊尹黑而短蓬而髻豐上允下僂身而下

之狀面無須麋阿衡欲干湯而無由乃為有莘氏媵臣

遂為辛氏括地志曰古莘國在汴州陳留縣東五里故

華城負鼎俎呂氏春秋曰伊尹長而賢湯聞伊尹亦欲歸湯

湯於是請取婦為婚有仇氏喜得伊尹女墨子曰楚

辭註曰湯東巡狩使有莘國以爲婚逆理曰有莘致得

伊尹因得吉善之妃以爲內嬖也列女傳曰有莘之妃

功新統領伊嬪後宮有莘無妒逆德於人卒廬之王

至親習而湯乃僅且七十說而用之子在衡門之裏志圖

立爲習以滋味說湯致於王道呂氏春秋曰湯得伊尹保

世師以滋味說湯致於王道呂氏春秋曰湯得伊尹保

曰君之國朝而見之說湯以至於廟燬曰湯得伊尹保

凡蟲之居者腥肉覆者腥草食者羶臭惡猶美皆有所以

疾時徐減腥去臊除羶必少其勝甚微失其理調和之事

必化四時之微纖口弗能言志弗能喻若射御之微陰陽

者不化四時之微纖口弗能言志弗能喻若射御之微陰陽

者不化四時之微纖口弗能言志弗能喻若射御之微陰陽

古史紀年卷四

流沙之西丹山之南有鳳之九沃民所食足有珠百碧

庭水之魚名曰鮪其狀若鯉而有翼常從西海夜飛遊

於東海菜之美者崑崙之積壽木之南極之崖有菁其

名曰嘉樹其色若碧陽華之芸雲夢之荊楚之桂越

淵之草名曰土英和之美者陽樸之薑崑崙之井沮江

之菌鱸鮑之醃大夏之鹽宰揭之露崑崙之井沮江

上名曰搖水曰山之實常山之北其上有湧泉焉冀

焉羣帝所食箕山之東青鳥之所甘攄焉江浦之橘

雲夢之柚漢上石耳所以致之馬之美者青龍之匹遺

風道者先彼在天已所以成天也聖子成則至味具

故審近所以知遠也成已所以成人也聖子成則至味具

於湯令調味甚甘得進見湯問之或曰伊尹虛士湯

使人聘之五反然後肯往墨子曰湯將往見伊尹彭氏

問曰君將何之湯曰將往見伊彭氏之子曰湯將往見伊

女所知也今有藥於此食之則耳加聰目加明則吾必說而強食之今夫伊尹之於我國也譬之良醫善藥也而不使御楚辭註曰湯是觀風俗乃憂下民博選於衆而逢伊尹舉以為相世紀曰湯思賢夢見有人負鼎抗鉅對已而笑寤而占曰鼎為和味俎者割截天下豈有人為我宰者哉初力牧之後伊尹執耕於有莘之野湯聞以幣聘有莘之君留而不進湯乃求婚於有莘之君遂嫁女於湯以摯為媵臣至亳乃負鼎抱鉅見湯也○從案史記二說並存傳疑也世紀牽合為一反失之誣

湯言素王及九主之事劉向別錄曰九主者有法君專君三歲社君凡湯舉任以國政湯命夢乘船過日月之九品圖畫其形湯舉任以國政湯命夢乘船過日月之

旁呂氏春秋曰桀為無道暴戾頑貪于辛任威篇曰桀用羊陵轢諸侯以及兆民殺彼龍逢以服羣凶桀愈自

賢主道重塞國人大崩湯乃惕懼憂天下之不寧欲令

伊尹往視曠夏恐其不信湯由親自射伊尹伊尹奔夏

諸侯歲貢士於天子此湯以人事君之義也呂覽以為

古史紀年卷四 齒

往視曠夏又以為在殺關龍逢以後事均非事實紀年書湯使來朝光明坦白勝百家雜說遠矣

二十年伊尹歸于商及汝鳩汝方會于北門

書序曰伊尹去亳適夏既醜有夏復歸于亳入自北門

乃遇女鳩女方作女鳩女方篇七史記方作房集證曰金樓子云作女房之歌卽

此時新序曰桀作瑤臺罷民力殫民財為酒池糟隄縱

靡靡之樂一鼓而牛飲者三千人羣臣相持而歌曰江

水沛沛兮舟楫敗兮我王廢兮趣歸薄兮薄亦大兮又

曰樂兮樂兮四牡躑兮六轡沃兮去不善而從善何不

樂兮書大傳曰夏人飲酒醉者持不醉者不醉者持醉者相和而歌曰盍歸于薄盍歸于薄薄亦大矣故

伊尹退而閒居深聽樂琴更曰覺今較伊尹知天命之

至舉觴而告桀曰君王不聽臣之言亡無日矣桀拍然

而作啞然而笑曰子何妖言吾有天下如天之有日也

日有亡乎日亡吾亦亡矣於是接履而趣遂適湯湯立

為相呂氏春秋曰湯師小臣論語識曰師伊尹新序曰

毫曰桀迷惑於末嬉好彼琬琰不恤其眾眾志不堪上

下相疾民心積怨皆曰上天弗恤夏命其卒湯謂伊尹

曰若告我曠夏盡如詩湯與伊尹盟以示必滅夏管子

文繡衣裳者伊尹以薄之游女工交

繡纂組一純得粟百鍾於桀之國

二十一年成湯七年

史記曰湯征諸侯葛伯不祀寰宇記曰故葛城在寧陵

湯始伐之湯曰子有言人視水見形視民知治不伊尹

曰明哉言能聽道乃進君國子民為善者皆在王官勉

哉勉哉湯曰汝不能敬命予大罰殛之無有攸赦作湯

征仲虺之誥曰乃葛伯仇餉初征自葛東征西夷怨南

后北狄怨曰奚獨後予攸祖之民室家相慶曰後子

載伊尹之言則當在尹魏夏歸亳後也紀年紀湯九征

古史紀年卷四

商師征有洛克之

以洛為首而不及葛伯鄭環謂古葛與洛通而以葛即

有洛殊無所據今故補繫於征有洛之前以符書義

周書曰昔者有洛氏宮室無常池囿廣大工功日進以

後更前民不得休農失其時饑饉無食成商伐之有洛

以亡集證曰有洛即

遂征荆荆降案荆芊姓祝融

越絕書曰湯行仁義敬鬼神天下皆一心歸之當是時

荆伯未從也湯於是乃飾犧牛以事荆伯乃媿然曰失

事聖人禮乃委其誠心此謂湯獻牛荆之伯也案此則

征荆說異

三十二年商侯履來朝命囚履于夏臺成湯八年

史記曰迺召湯而囚之夏臺索隱曰獄名夏曰均臺皇

甫謚曰地在陽翟一統志

日在河南
鞏縣西南
太公金匱曰桀怒湯以諛臣趙良計召而囚之均臺杜預左傳注曰河陽翟有鈞臺破寘之種泉天問曰湯出重泉夫何臯尤嫌

於死吳越春秋曰昔湯入夏付國於文祀

二十三年釋商侯履成湯九年

太公金匱曰湯乃行賂管子曰女華者桀之所愛也湯有曲逆之陽陰陽之議合而得成其天子桀遂釋之而賞之贊茅

諸侯遂賓于商

書大傳曰桀無道囚湯後釋之諸侯八譯來朝者六國

世紀曰夏桀無道臯諫者湯使人哭之桀囚湯使於夏臺而後釋之諸侯由是咸叛桀附湯同日供職者五百國三年而呂氏春秋曰湯見祝網者置四面其祝曰從天墜者從地出者從四方來者皆離吾網湯曰嘻盡之

古史紀年卷四 夫

矣非桀其孰為此也湯收其三面置其一面更教祝曰

昔蛛蝥作網罟今之人學紆新書作循緒欲左者左欲右者

右欲高者高欲下者下吾取其犯命者漢南之國聞之

曰湯之德及禽獸矣四十國歸之管子曰湯夷競而積粟饑者食之寒者衣

之不資者振之天下歸湯若流水此桀之所以失其天下也

二十六年商滅溫成湯十二年

案溫己姓昆吾之後別封者見鄭語括地志曰故溫城

在懷州溫縣西三十里

二十八年昆吾氏伐商商會諸侯于景亳成湯十四年

左傳椒舉曰商湯有景亳之命路史引書大傳曰景亳之命費昌為御世

紀曰北亳卽景亳湯所盟處括地志曰宋州北五十里大蒙城為景亳湯所盟地

困景山為名

遂征韋商師取韋

案韋彭姓之別封者見鄭語郡國志曰東郡白馬縣有

韋鄉

遂征顧

案顧已姓昆吾之後別封者見鄭語史索隱曰郡國志

顧在東郡廩丘縣北今日顧城春秋哀二十一年公及

齊侯盟于顧卽是城也古今人表有鼓師古曰卽顧國也

太史令終古出奔商

呂氏春秋曰夏太史令終古出其圖法執而泣之夏桀

迷惑暴亂愈甚太史令終古乃出奔如商湯喜而告諸

侯曰夏王無道暴虐百姓窮其父兄恥其功臣輕其賢

良棄義聽讒服庶咸怨守法之臣自歸于商淮南子曰終古太史

古史紀年卷四 志

合奔商三年而桀亡與紀年合

二十九年商師取顧成湯十五年

商頌曰韋顧既伐

三日並出

博物志曰夏桀之時費昌之河上見二日在東者爛爛

將起在西者沈沈將滅若疾雷之聲昌問於馮夷曰何

者爲殷何者爲夏馮夷曰西夏東殷於是費昌徙族歸

殷亦見論衡墨子曰逮至乎夏王桀天有韜命日月不

兩日鬪蝕鬼呼於國桀醉不寤呂氏春秋曰伊尹又復

往視曠夏聽於未嬉未嬉言曰今昔天子夢西方有日

告湯戰國策曰伊尹再逃湯而之桀再逃桀而之湯○

星讖曰桀末年兩日照荆川占曰夏以兩日亡日月五

黑光徧天合攻諸書足證紀年三字乃二之譌也

費伯昌出奔商

秦本紀曰大費生子二人一曰大廉實鳥俗氏二曰若

木實費氏其元孫曰費昌費昌當夏桀之時去夏歸商

為湯御以敗桀於鳴條寰宇記引都城記云若木別為費氏居南裔為諸侯至夏末費

昌歸商佐湯伐桀有功入為卿士以其本國為畿內之采地而湯更封費氏之庶子於淮泗之間徐地以奉伯

益之嗣復命為伯使主淮夷

冬十月鑿山穿陵以通于河

太公金匱曰夏桀之時以十月發民鑿山穿陵通於河

民諫曰孟冬鑿山穿陵是泄天氣發地之藏天子失道

後必有敗桀殺之暮年岑山崩為大澤六韜岑山作瞿山

三十年瞿山崩成湯十六年

五行記曰夏末年瞿山地一夕為大澤深九丈九年湯

放之搜神記曰夏桀之時厲山亡古史紀年卷四

殺其大夫關龍逢

韓詩外傳曰桀為酒池可以運舟糟上足以望十里而

牛飲者三千人關龍逢進諫曰古之人君身行禮義愛

民節財故國安而身壽今君用財若無窮殺人若恐弗

勝君若弗革天殃必降而誅必至矣君其革之立而不

反朝桀囚而殺之符子曰桀觀炮烙於瑤臺謂龍逢曰樂乎龍逢曰天下苦之而君為樂臣

觀君之冕非冕也冠危石也君之履非履也履春冰也未有冠危石而不壓履春冰而不陷者桀歎曰子知我

之亡而不自知其亡子就炮烙之刑吾觀子亡我不聽桀之時為長夜宮於深谷之中男女雜處十旬不出

龍逢諫桀言曰吾之有民如天之有日亡則我亡相與諫桀又以為妖言而殺之通志曰桀有暴臣于辛陵

轅諸侯諛臣左師曹觸龍讒賊忠良關龍逢引黃圖以

轅諸侯諛臣左師曹觸龍讒賊忠良關龍逢引黃圖以

轅諸侯諛臣左師曹觸龍讒賊忠良關龍逢引黃圖以

諫桀曰子又妖言矣於是焚黃圖殺龍逢戰國策曰桀聽讒而殺其良將註以為逢荀子曰桀蔽於末喜樹觀而不知關龍逢以惑其心而亂其臣族虐王禽註曰謂殺子之旦金版剋書出庭中曰臣族虐也寰宇記曰龍關龍逢之後庚子旦庭中地有此版異也寰宇記曰龍城在長垣縣東南二十里昔夏桀臣龍逢所居今城東墓側有祠

商師征昆吾

史記曰夏桀為虐政淫亂而諸侯昆吾氏為亂湯乃興

師率諸侯伊尹從湯湯自把鉞以伐昆吾

冬聆隧災

路史注云汲紀年桀末年社拆裂御覽引同云其年為湯所放今無此文

周語內史過曰昔夏之興也祝融降于崇山其亡也回祿信于聆隧墨子曰夏德大亂帝乃使陰暴毀有夏之城命祝融火於夏之城閒西北隅金樓子曰夏桀時天雨血月流精火神回祿見于黔隧

古史紀年卷四

九

三十一年商自師征夏邑克昆吾大雷雨戰于鳴條夏師

敗績

成湯十七年

書序曰伊尹相湯伐桀

說苑曰湯欲伐桀伊尹曰請阻

之師以伐之伊尹曰未可彼尚猶能起九夷在我也湯乃謝罪請服復入貢職明年又不供貢職桀怒起九夷之師九夷也試之弱密須氏以爲武教得密戰國策曰湯之伐桀也呂氏春官須氏以爲武教得密須氏以信伊尹之盟故令師從東方出於國西以進升自

師遂與桀戰于鳴條之野作湯誓

邑之東而鳴條在安邑之西廡又出其西南亳居安其去亳與安邑也遠矣湯不從東逕擣安邑乃從下反上至于廡而反下乃趨鳴條蓋史記曰遂伐桀湯曰格將以示桀衆而使之知備焉爾

汝眾庶來女悉聽朕言匪台小子敢行舉亂有夏多罪

子維聞女眾言夏氏有罪子畏上帝不敢不正今夏多

罪天命殛之今女有眾女曰我君不恤我眾舍我嗇事

而割政女其曰有罪其奈何夏王率止衆力率奪夏國
有衆率怠不和曰是日何時喪予與女皆亡夏德若茲
今朕必往爾尙及予一人致天之罰予其大理女女毋
不信朕不食言女不從誓言予則帑僂女無有攸赦以
告令師作湯誓於是湯曰吾甚武號曰武王商頌曰武
王載旆有虔秉鉞如火烈烈則莫我敢曷苞有三孽莫
遂莫達九有有截韋顧既伐昆吾夏桀左傳昭十八年二月乙卯周毛
得殺毛伯過萇宏曰史記曰桀敗於有娥之虛桀奔於
是昆吾綏之日也
鳴條夏師敗績呂氏春秋曰未接刃而桀走世紀曰湯
戰而敗績括地志曰高涯原在蒲州安邑縣北三十里
南坂口卽古鳴條陌也鳴條戰地在安邑西郡國志曰
安邑有昆吾亭湯伐桀戰處寰宇記曰昆吾亭蓋湯伐
桀之時昆吾以兵助桀同時而滅故有亭非國於此也
桀出奔三臞商師征三臞戰于郟

古史紀年卷四

三

書序曰夏師敗績湯遂從之遂伐三臞

水經注曰定陶縣故三臞國也

周武封弟振鐸之邑也故曹國

俘厥寶玉誼仲伯仲史記作義伯仲伯

作典寶

呂氏春秋曰殷湯良車七十乘必死六千人以戊子

戰於郟郡國志曰濟陰成縣本郟國

遂禽移大犧御覽作禽推移大犧墨子作禽推咳

大獸人名也韓非子曰桀有侯倏人表作推修荀子曰湯誅尹諧

登自鳴條乃入巢門

遂有夏

獲桀于焦門放之于南巢

御覽引云湯遂滅夏桀逃南巢氏

淮南子曰桀之力制脩仲鈞索鐵欵金然湯革車三百

乘困之鳴條擒之焦門

淮南子曰桀囚於焦門而不能自非其所行而悔不殺湯於夏

臺高誘曰焦或作巢括地志曰廬州樂縣有巢湖卽成湯伐桀放於南巢者也一統志曰巢湖在巢縣西十五

里一名焦湖周圍四百餘里

周書序曰夏多罪湯將放之徵前事以

戒後王也作殷祝湯將放桀于中野士民聞湯在野皆

委貨扶老攜幼奔國中虛桀謂湯曰國所以爲國者以有家家所以爲家者以有人也今國無家無人矣君有人請致國君之有也湯曰否昔大帝作道明教士民今君王滅道殘政士民惑矣吾爲王明之士民復致于桀曰以薄之居濟民之賤何必君更桀與其屬五百人南徙千里書大傳作十里止于不齊民往奔湯于中野桀復請湯言君之有也湯曰否我爲君王明之士民復重請之桀與其屬五百人徙于魯魯士民復奔湯桀又曰國君之有也吾則外人有言彼以吾道是邪我將爲之書大傳作吾聞海外有人與湯曰此君王之士也君王之民也委之何湯不能止桀湯曰欲從者從君桀與其屬五百人去居南巢史正義引淮南子云湯敗桀於歷山與妹喜同舟浮沆奔南巢之山而死水經沔水又東北出巢縣

古史紀年卷四

三

南注云古巢國也桀奔南巢卽巢澤也地理志居巢縣屬廬江通鑑注云廬江六縣有居巢城桀奔此因以放之及墨子謂湯放桀於大沙曰氏春秋亦云逐之至大沙身體離散爲天下戮大荒西經曰湯伐桀於章山郭注謂卽大沙尸子又謂放之歷山並傳聞之異○秦年代歷經世書前編並云桀在位五十二年通志云五十年死於亭山均與紀年不同

原註自禹至桀十七世起壬子有王與無王用歲四百

七十一年史集解引紀年同路史引作四百七十二年今據紀年計各王之年實只四百二十一年

以甲子核之每王改元有踰四三年者其實自壬子至壬戌亦只四百三十二年與註不合又晉書東晉傳謂紀年夏年多殷而今本實殷年多夏皆不可解放三統歷世紀通志並云夏四百三十二年正與紀年合則註誤也易稽覽圖作四百三十一亦爲近之至經世書作四百四十一路史作四百八十三前編作四百三十九均未知何據

